



Pretrasi obavljani u više gradova u BiH

Oduzeto 10 tona duhana, privedeno šest osoba

Sverceri duhana oštetili budžet BiH za 1,2 miliona KM • U prostorijama koje su koristili pripadnici organizirane kriminalne grupe, nađene mašine za usitnjavanje duhana

U saradnji sa službenicima MUP-ova Tuzlanskog, Kantona Sarajevo, Republike Srpske i Policije Brčkog Distrikta, službenici Državne agencije za istrage i zaštitu (SIPA) i Uprave za indirektno oporezivanje BiH jučer su u akciji "List 1" uhapsili su S. K., N. K., N. R., M. M., V. P. i Dž. S. Četiri osobe bit će saslušane u svojstvu osumnjičenih. Akcija je realizirana prema nalogu Suda i Tužilaštva BiH na području Tuzle, Srebrenika, Bijeljine, Brčkog, Istočnog Sarajeva i napijaci "Arizona".

Neovlaštena prodaja

Nastavak je to akcije koja je u julu provedena na širem području Hercegovine, a riječ je o osobama koje se, kao pripadnici organizirane kriminalne grupe, sumnjiče da su od marta do oktobra 2015. godine, radi stjecanja protivpravne imovinske koristi, neovlašteno prodavali veće količine rezanog duhana, bez prethodnog obilježavanja akciznim markicama i plaćanja obavezne akcije.

- Oduzeto je skoro 10 tona duhana, koji je bio namijenjen za crno tržište u BiH. Postoji opravdana sumnja da su pripadnici organizirane kriminalne grupe oštetili budžet BiH za najmanje 1,2 miliona KM, odnosno da su pribavili protivpravnu imovinsku korist veću od 80.000 KM – navodi Ratko Kovačević, načelnik Odjeljena za komunikacije i međunarodnu saradnju UIOBiH.

Prema preliminarnim procjenama, osumnjičeni su od marta do oktobra 2015. godine prodali najmanje

15.000 kilograma rezanog duhana za koji nisu plaćene obavezne akcize niti je taj duhan bio obilježen akciznim markicama.

Značajni prihodi

- U prostorijama koje su koristili pripadnici organizirane kriminalne grupe, pronašli smo mašine za usitnjavanje duhana. Akciza na kilogram takvog duhana je između 90 i 100 KM te se jasno može izračunati koliko je u ovom slučaju oštećena država – kaže Mehmedalija Osmić, šef Odsjeka za provođenje propisa u RCTuzla.

Prihodi po osnovu akcija koje se naplate za duhan i duhanske preradevine značajne su stavke u budžetu BiH. Tako je u 2014. godini po tom osnovu naplaćeno 758 miliona KM, a u devet mjeseci tekuće godine 621 milion KM.

- U toku 2015. godine imali smo desetine akcija u ovoj oblasti. Akcijom "List 1" ne zaključujemo svoje aktivnosti, naprotiv, akcija će biti do kraja godine, ali i u narednim godinama – najavljuje Ratko Kovačević.

E. SKOKIĆ



Izuzeti brojni dokazi u akciji

Nije bilo "krtice"

Mehmedalija Osmić ističe kako među jučer uhapšenim članovima organizirane kriminalne grupe ima i povratnika u činjenju krivičnih djela. Naglašava kako je riječ o osobama koje nigdje ne rade, a raspoložu raskošnom imovinom i voznim parkom.

- Oni gledaju samo sebe, za njih ne postoje entitetske linije, ali im mogu poručiti kako takvih linija nema ni

za nas. Nismo više uprava kao od prije nekoliko godina. Čistimo svoje redove, izvodimo ovakve akcije i mogu vam reći kako ovog puta informacije prije početka akcije nisu procurile, kako je to bio slučaj u julu, kada je jedna zaposlenica UIO za novac odavala tajne organiziranoj kriminalnoj organizaciji na području Hercegovine – zaključuje Mehmedalija Osmić.

Page: 18

Reach: 50000

Country: BOSNIA AND HERZEGOVINA

Size: 511 cm2

2 / 2



Duhan koji je zaplijenjen



Privodeње osumnjičenih švercera u Tuzli